

Newyddion a gwybodaeth i Gymru gan:

Cyngor Gweithredu Gwirfoddol Cymru
Ty Baltig House, Sgwar Mount Stuart,
Bae Caerdydd, CF10 5FH
Lein Gymorth 0800 2888 329 www.wcva.org.uk



Cymorth i wrthsefyll effeithiau newid yn yr hinsawdd

Bydd y rownd nesaf o ddiwyddiadau polisi rhanbarthol WCVA yn canolbwyntio ar sut y gall cymunedau a mudiadau baratoi ar gyfer effeithiau newid yn yr hinsawdd. Cyflwynir sesiynau'r bore ar y cyd â'r Rhwydweithiau Dyfodol Cynaliadwy.

Yn sgil cyhoeddi rhagolygon hinsawdd newydd y DU yn 2009, mae'n amlwg bod effeithiau newid yn yr hinsawdd yn debygol o fod yn bwysig iawn i Gymru ac i'r DU wrth inni ddynesu at ganol yr unfed ganrif ar hugain. Gallwn ddisgwyl:

- tymereddau uwch ledled y DU gyda mwy o gynhesu yn yr haf nag yn y gaeaf;
- mwy o law yn y gaeaf a hafau sychach mewn rhannau helaeth o'r wlad;
- lefel y môr yn codi, yn enwedig yn ne'r wlad.

Ar hyn o bryd dyddiau cynnar yw hi o hyd o ran ein dealltwriaeth o ganlyniadau newid yn yr hinsawdd yng nghyswllt pobl sy'n byw yng Nghymru, a'r trydydd sector. Mae angen i ni ystyried dylanwad effeithiau uniongyrchol ac anuniongyrchol newid yn yr hinsawdd a chanlyniadau pob un yn y tymor byr a'r tymor hir er mwyn ymateb yn effeithiol.

Mae gwytnwch cymunedau a'r gallu i newid er mwyn wynebu'r heriau hyn a mynd i'r afael â materion tegwch mewn ymatebion ar gyfer y dyfodol yn allweddol i sicrhau nad yw rhai grwpiau yn dioddef effeithiau negyddol anghymesur. Mae angen i'r trydydd sector ystyried sut y bydd ei fuddiolwyr yn ymdopi â'r heriau newydd hyn.

Gan fod ansicrwydd mawr, mae'n bwysig iawn ein bod yn dechrau meithrin gwytnwch ein mudiadau a'n cymunedau er mwyn gallu ffynnu o'r newydd

ynghynt. Mae angen i ni sicrhau cadernid, yn enwedig yng nghyswllt cefnogi pobl sydd eisoes wedi'u hymyleiddio. Gall addasu i newid yn yr hinsawdd hefyd gynnig cyfleoedd i ni a'n helpu i adfywio ein cymunedau.

Er mwyn cynorthwyo'r sector i fynd i'r afael â'r heriau a'r cyfleoedd hyn, bydd rownd digwyddiadau polisi Gorffennaf yn cynnig diwrnod lle trafodir sut y bydd newid yn yr hinsawdd yn effeithio ar ein cymunedau, a sut bod gan y trydydd sector rôl allweddol i'w chwarae yn y gwaith o feithrin cadernid er mwyn ymdopi â'r newidiadau hyn. Bydd gan gyfranogion ddealltwriaeth well o'r hyn y mae newid yn yr hinsawdd yn ei olygu i'w mudiad a'u buddiolwyr nhw yn sgil y diwrnod hwn, ynghyd â set benodol o weithgareddau ar gyfer eu mudiad a fydd yn eu helpu i ymgorffori newid yn yr hinsawdd yn eu cynllunio.

Mae'r gweithgareddau polisi rhanbarthol hyn yn berthnasol i holl fudiadau'r trydydd sector, yn enwedig y rhai hynny sy'n cynnig gwasanaethau i grwpiau sydd eisoes wedi'u hymyleiddio ac o dan anfantais ac sydd fwyaf agored i niwed yng nghyswllt newid yn yr hinsawdd, megis pobl hŷn, pobl anabl a phobl sy'n byw mewn tloidi. Mae hefyd yn berthnasol i fudiadau yn y trydydd sector sy'n cynnig gwasanaethau a gaiff eu heffeithio gan y newid ym mhatrwm y tywydd, er enghraifft, mudiadau gofal cymdeithasol ac iechyd a chymdeithasau tai.

Cynhelir y digwyddiadau polisi rhanbarthol yng Nghaerfyrddin ar 5 Gorffennaf, Casnewydd ar 6 Gorffennaf, Llandrindod ar 13 Gorffennaf a'r Rhyl ar 14 Gorffennaf. I gael rhagor o wybodaeth ewch i www.tinyurl.com/wcva-policy-policyevents neu cysylltwch â Sarah Baker yn policy@wcva.org.uk.

Newyddion a gwybodaeth i Gymru gan Gyngor Gweithredu Gwirfoddol Cymru

Mae'r enwebiadau ar gyfer y gwobrau ymgyrchu wedi dechrau

Mae'r rownd pleidleisio yn awr ar agor ar gyfer rhaglen wobrwyo a sefydlwyd i arhwyddu ymgyrchwyr eithriadol ar lawr gwlad.

Mae naw categori enwebu yng Ngwobrau Ymgyrchwyr Sefydliad Sheila McKechnie 2011 - Gweithredu ar ran Defnyddwyr, Yr Amgylchedd, Ymgyrchydd Rhyngwladol, Ymgyrchydd Lleol, Cyfiawnder Cymdeithasol Llundain, Cyfiawnder Cymdeithasol ac Economaidd, Gweithredwch, Trafnidiaeth a Bloeddiwch - gwobr ar gyfer ymgyrchwyr 14-18 oed yn Llundain.

Mae'r gwobrau ar gyfer unigolion sydd newydd ddechrau ymgyrchu neu sy'n gweithredu heb fawr o adnoddau ac eto sy'n dangos angerdd, dycnwch a'r potensial i greu newid - yn lleol, yn genedlaethol neu'n fyd-eang.

Mae'r Sefydliad yn trefnu rhaglenni ar gyfer unigolion a grwpiau gan ddarparu cymorth, cyngor a lle i rannu gwybodaeth am feysydd ymgyrchu effeithiol: o strategaeth, tactegau a thargedau i werthuso ymgyrchoedd llwyddiannus.

Bydd enillwyr y gwobrau'n derbyn pecyn cymorth pwrpasol ar gyfer eu hymgyrchoedd sy'n cynnwys hyfforddiant un-i-un gan ymgyrchwyr profiadol, penwythnos preswyl ar gyfer meithrin sgiliau, hyfforddiant ar y cyfryngau a materion cyhoeddus a sesiynau mentora gydag arbenigwyr yn eu meysydd.

Gallwch bleidleisio ar gyfer Gwobrau Ymgyrchwyr Sefydliad Sheila McKechnie nawr. Enwebwch ymgyrchydd yn www.smk.org.uk/nominate-a-campaigner. Y dyddiad olaf ar gyfer pleidleisio yw 20 Mehefin.

Y Comisiwn Elusennau yn diweddarau ei 'becyn i ymddiriedolwyr'

Mae'r Comisiwn Elusennau wedi cyhoeddi trydedd bennod *Diogelu elusennau rhag niwed*, ei becyn cydymffurfio ar-lein ar gyfer ymddiriedolwyr elusennau.

Mae'r pecyn, a ddatblygwyd mewn partneriaeth â'r trydydd sector, yn arweiniad i ymddiriedolwyr, gan roi arweiniad ymarferol iddynt i'w helpu i reoli risg a diogelu eu helusen a'u heiddo rhag niwed. Mae gan ymddiriedolwyr ddyletswydd gyfreithiol a chyfrifoldeb o dan y gyfraith elusennau i ddiogelu arian ac eiddo eu helusen er mwyn iddynt gael eu defnyddio er lles buddiolwyr. Mae'r arweiniad yn y fersiwn diweddaraf o'r pecyn yn rhoi sylw i rai o'r mathau o dwyll a throeddau ariannol y mae elusennau yn agored iddynt ac yn rhoi arweiniad ymarferol ar sut i fynd i'r afael â'r problemau hyn.

Mae'r arweiniad hefyd yn rhoi sylw i'r arwyddion sy'n rhoi rhybudd o dwyll, gwyngalchu arian a chamymddwyn ariannol arall, yn esbonio rôl y Comisiwn yn delio gyda thwyll ac yn cynnig cyngor ymarferol ar fesurau atal twyll. Mae'r

bennod newydd hefyd yn darparu gwybodaeth effeithiol mewn cysylltiad â thwyll fod yn angenrheidiol, a sut i roi cynllun o'r fath ar waith.

Dywedodd Anna Lewis, Swyddog Gwasanaethau Cyfreithiol WCVA: 'Mae'r pecyn hwn yn rhoi arweiniad clir i ymddiriedolwyr i'w gwneud yn ymwybodol o'r hyn y gallant ei wneud i osgoi'r mathau o dwyll y mae elusennau yn agored iddynt. Mae defnyddio astudiaethau achos go iawn sy'n dangos beth sy'n gallu mynd o'i le yn ffordd effeithiol iawn o bwysleisio pam y mae angen i'r rheini sy'n gweithio yn y sector gwirfoddol fod ar eu gwylidwriaeth.'

Roed penodau cyntaf Diogelu elusennau rhag niwed yn delio ag elusennau a therfysgaeth, a diwydrwydd dyladwy a monitro. Bydd pennod olaf y pecyn, a fydd yn cael ei chyhoeddi yn y man, yn rhoi cyngor am gadw, trosglwyddo a derbyn arian yn ddiogel mewn cyd-destun rhyngwladol. Gellir gweld y bennod newydd ar wefan y Comisiwn Elusennau www.charitycommission.gov.uk.



Deddf Cadw Data 1998. Cedwir a phrosesir manylion cysylltu pob un sy'n derbyn yr Atodiad Cenedlaethol gan WCVA ar gyfrifiadur. Defnyddir y wybodaeth gan WCVA i fonitro a hyrwyddo'r sector gwirfoddol yng Nghymru. Datgelir manylion cysylltu i drydydd parti i fod o gymorth yn y broses hwn.

Cyngor Gweithredu Gwirfoddol Cymru, Prif Swyddfa - Ty Baltig, Sgwâr Mount Stuart, Caerdydd, CF10 5FH, elusen gofrestrdig rhi 218093, cwmni cyfyngedig drwy warant 425299, wedi ei gofrestru yng Nghymru.

Newyddion a gwybodaeth i Gymru gan Gyngor Gweithredu Gwirfoddol Cymru